



Ислом Нури

Одил Нажмуддин

Калб касалликлари

Бизни исломга хидоят қилган, Куръонни таълим берган, уни калбларга нур ва хидоят ҳамда турли иллатларга шифо қилган Аллохга ҳамдлар бўлсин!

Берган неъматлари ва қилган яхшиликлари учун Унга ҳамдлар айтамиз, шукрлар қиламиз.

Гувохлик бераманки, шериксиз яккаю-ягона бўлган Аллохдан ўзга ҳақ маъбуд йўқ, барча мулк Уники, ҳамдлар ёлғиз Унга хосдир. У ҳамма нарсага қодирдир. Гувохлик бераманки, Мухаммад алайхис-салоту вас-салом Унинг бандаси, элчиси ва халқи орасидан танлаб олиб ваҳийсини ишониб топширган пайгамбаридир.

Аллох пайгамбарлар орқали одамларни залолатдан хидоятга, жаҳолатдан маърифатга олиб чиқди, кўру басир кўзларни, том битган кулоқларни ва гофил калбларни уйготди. Пайгамбаримизга, уларнинг оиласига, саҳобаларига ва то киёмат уларга чиройли суратда эргашиб, йўлларида юрган кишиларга Аллохнинг раҳмати ва кўпдан-кўп саломлари бўлсин!

Эй биродар, калб касаллигидан саломат бўлиш учун кўп куч ва вақтимизни сарфламоғимиз лозим. Зеро, калбнинг исломдаги ўрни улугдир. Калб Парвардигор назари тушадиган тавҳид, иймон ва ихлос ўрнашадиган жойдир.

Абу Хурайра розияллоху анхудан ривоят қилинган ҳадисда Расулуллох саллаллоху алай ва саллам айтдиларки:



Ислом Нури

«Аллох таъоло сизларнинг ташки кўринишингиз ва молларингизга карамайди, балки калбларингизга ва амалларингизга карайди». (Имом Муслим ривояти)

Ибн Каййим раҳматуллох алайх ёзади: «Аллохнинг хузурида амаллар сони ёки турли-туманлиги билан эмас, балки амал эгасининг содиклиги, ихлоси ва Аллохнинг буюклигини идрок кила билиши билан бир-биридан афзал бўлади».

Шайхул-ислом ибн Таймия раҳматуллохи алайх: «Калб бу асл-асосдир» деган. Абу Хурайра розияллоху анху: «Калб аъзоларнинг подшоси, аъзолар эса унинг аскарларидир. Агар подшоҳ яхши бўлса, аскарлари ҳам яхши, подшоҳ ёмон бўлса, аскарлари ҳам ёмон бўлади» дедилар.

Расулуллох саллаллоху алайхи ва саллам дедилар: «*Огоҳ бўлинглар, инсон танасида бир парча гўшт бор, агар у яхши бўлса, бутун тана яхши бўлади, бузилса бутун тана бузилади. Билинглар-ки у калбдир*». (Яъни калбнинг яхши бўлиши аъзоларнинг Аллохга итоат қилишини тامينлайди).

Хофиз ибн Хажар раҳимахуллох деди: «*Хадисда, калбга алоҳида эътибор берилди. Чунки у инсон жисмининг амиридир. Амир яхши бўлиши билан унинг кўл остидагилар ҳам ўнгланади. Унинг ёмон бўлиши билан бутун халқ ёмон бўлади. Бу ўринда калбнинг кадри баландлиги ва халол меҳнатнинг унга таъсири борлигига эътибор қаратиляпти ва уни яхшилашга тарғиб қилиняпти*».

Эй азиз биродарлар, – Аллох таоло сизларни ўз раҳматига мушарраф айласин – билингларки, калб уч турлик бўлади:



Ислом Нури

1 - Соглом калб.

2 - Ўлик калб.

3 - Касал калб.

Биринчи : Соглом калб:

«Ва (барча жонзот) тирилтириладиган Кунда мени шарманда килмагин. У кунда на молу-давлат ва на фарзандлар фойда бермас. Лекин (у кунда) Аллох хузурига соглом калб билан келган кишиларгагина (мана шу соглом калб билан келишларигина фойда берур)». (Шуъаро:87-89)

Хофиз ибн Касир раҳматуллох алайх, ушбу ояти каримадаги соглом калб иборасини: «Кибрдан ва ширкдан саломат бўлган калб» — деб шархладилар.

Косимий эса: «Куфр ва мунофиқлик касалидан, ёмон хислатлардан холи бўлган калб билан келган кишиларгагина» — деб шархлаганлар.

Аллома ибн Каййим раҳматуллох алайх деди: «Соглом калб унда заррача ҳам ширк бўлмай, хошиш-ирода, мухаббат, таваккул, ҳақ йўлига қайтиш, бўйсунуш, кўркув умид билан бандачилигини холис Аллох учун адо этиш каби сифатларга эга бўлган калбдир. Бундай соглом калб эгаси яхши кўрса, факат Аллох учун яхши кўриб, ёмон кўрса ҳам Аллох учун ёмон кўради. Берса, Аллох учун бериб, бермаса, Аллох учун бермайди. Факат шу билан чекланиб колмасдан Расулуллох саллаллоху алайи ва салламга адоватда бўлган кишиларга бўйсунуш ва улардан ҳукм сўраб боришдан саломат бўлиши ҳам лозим. Яна соглом калб ширк, гина, хасад, бахиллик, кибр, дунё ва



Ислом Нури

мансабни яхши кўриш ҳамда Аллохдан йироклаштирадиган барча иллатлардан саломат бўлган калбдир. Бундай соғлом калб эгаси дунёда ҳам, қабрда ҳам, охираат кунда ҳам жанатда бўлади. Инсон хақиқий калб саломатлигига эришиш учун куйидаги бешта нарсадан:

- 1 - Тавхидга зид ширкдан,
- 2 - Суннатга зид бидъатдан,
- 3 - Амр ва нахийга зид шахватдан,
- 4 - Зикрга зид гафлатдан,
- 5 - Ихлосга зид хавои-нафсдан сакланмоғи лозим.

Калб соғлом бўлишининг кўп яхши фойдалари бордир:

Биринчи: Калб ва нафс хотиржамлиги.

«Аллох (шундай) бир мисол келтирди: бир киши (кул) борки, унинг устида талашувчи шериклар (хожсалар-эгадорлар) бор. Яна бир киши (кул) борки, бутунича бир киши (хожа) никидир. Иккисининг мисоли баробар бўлурми?! (Йук, баробар бўлмас. Худди шунингдек бир неча «худо»ларга сигинадиган мушрик билан ёлғиз Аллохга бандалик киладиган муъмин ҳам баробар бўлмас). Хамд (ёлғиз) Аллох учундир. Бирок, уларнинг кўплари билмаслар, (бас ана шу сабабдан турли «худо»ларга сигинурлар)». (Зумар: 29)

Ибн Каййим раҳимахуллох деди: «Аллох ўзи яхши кўрган бандаларига пок ҳаётни ваъда қилди».



Ислом Нури

«Эркакми ё аёлми, кимда-ким муъмин бўлган холида бирон яхши амал килса, Биз унга (бу дунёда калби хотиржам бўладиган, - агарчи мол-дунёси кам бўлса ҳам, - саодатлик) покиза хаёт ато этурмиз ва (охиратда эса) килган амалларининг энг чиройлиги баробаридаги мукофот билан мукофатлаймиз. (яъни, бу дунёда ҳам, охиратда ҳам, унга яхшилик ато этурмиз)» (Нахл: 97)

«(Иймон билан) Чиройли амал килганлар учун бу дунёда чиройли мукофот (покиза хаёт) бўлур. (Бирок), шубха йўкки, охират диёри (дунё ва унда бор нарсалардан кўра) яхшироқдир. Такволик кишиларнинг диёрлари (охиратдаги жойлари) нақадар яхши!» (Нахл: 30)

Демак, такволик кишилар дунё ва охират роҳатига ва покиза хаётга эга бўлурлар. Чунки калб поклиги, кувончи, лаззати, хотиржамлиги, мунавварлиги харом шахватларни ва ботил шубхаларни тарк қилиш билан бўлади. Хақиқий роҳат ҳам ана шудир! Бадан роҳатини бунга солиштириб бўлмайди.

Ушбу лаззатлардан тотиб кўрган кишилар шундай деган эдилар:

«Агар шохлар ва уларнинг фарзандлари биз тотган лаззатдан тотиб кўрганларида эди, ўша лаззатни тортиб олиш учун бизга қарши қилич кўтариб жанг қилган бўлардилар».

Сиз, Аллох таъолонинг: **«Яхшилар (Аллох таъоло ҳамда бандаларнинг ҳуқуқларини поймол этмайдиган муъминлар) албатта, жаннатдадирлар. Фожирлар (Аллох таъоло ҳамда бандаларнинг ҳуқуқларини поймол этгувчи кофирлар) албатта,**



Ислом Нури

дўзахдадирлар!», (Инфитор:13,14) деган сўзини факат киёмат кунига хос деб ўйламанг. Зеро муъминлар дунё, қабр ва охиратда ҳам рохатда, кофирлар эса хар учала маконда жаханнамдадирлар.

Дунёда қалб хотиржамлигидан улугрок ва лаззатлирок рохат борми?!
Хақиқий хаёт соглом қалб хаёти эмасми?!

Иккинчи: Қалб қувончи ва унинг равшанлиги:

«Аллох осмонлар ва ернинг нуридир(хиссий ҳам маънавий нурдир. Чунки Аллох таъоло зотан нурдир, бандалардан ўзини пардалаб олган хижоби ҳам нурдир. Аллох таъолонинг нури билан арш, курси, қуёш, ой ва ёруғ жахон мунаввардир, жаннат ҳам унинг нури билан нурафшондир. Шунингдек маънавий нур ҳам Ундандир зеро, Унинг китоби, шарифти, пайгамбарлари ва муъмин бандаларининг қалбларидаги маърифат нурдир) У зот нурунинг (муъминлар қалбларидаги иймон ва қуръон нури) мисоли худди бир токча, ичида бир чирок (токча ичида чирок нури таркалиб кетмайдиган даражада жамланур), бу чирок бир шиша ичида, у шиша гўё бир дурдан яралган юлдузга ўхшайди. У (чирок) на шарқий ва на гарбий бўлмаган (яъни на қуёш чиқиш ва на ботиш томонида балки, қуёш чикканидан то ботгунига қадар унга тегиб турадиган, заминнинг муносиб бир ўринига жойлашган) муборак зайтун дарахти (мойи)дан ёкилур. Унинг мойи (мусаффолигидан), гарчи унга олов тегмаса-да, (атрофни) ёритиб юборгудекдир. (Олов теккач эса) нур устига нур (бўлур). Аллох Ўзининг (бу) нурига Ўзи хохлаган кишиларни хидоят қилур. Аллох одамлар (ибрат олишлари) учун (мана шундай) мисоллар келтирур. Аллох барча нарсани



Ислом Нури

билгувчидир». (Нур:35)

Ибн Каййим раҳимахуллох айтди: «Убай ибн Каъб деди: Аллох нурининг мусулмон калбидаги мисоли: Банданинг калбига омонат килиб кўйилган Аллохни таниш, Уни яхши кўриш, Унга иймон келтириш ва Уни зикр килиш нурига ўхшайди. Бу нур Аллох бандаларига нозил килиб, шу нур билан улар калбини тирилтирган ва калбларига мустаҳкам ўрнатган Ўзининг нуридир».

Қалб равшанлашса, чор атрофдан яхшиликлар келиб, уни зулмат коплаганда эса, ҳамма тарафдан мусибат ва бало булутлари ёгилади. Агар калбингизда иймон нури мустаҳкам бўлса, бидъату залолат, хавои-нафсга эргашиш, хидоятдан йироклашиш, саодат сабабларидан юз ўгириб, бахтсизлик сари кетаётганингизни очиб беради. Бирок, бу нур йўқолса, сиз гўё зулматда адашиб юрган кўр одам кабисиз».

Ибн Таймия раҳимахуллох айтади: «Инсон калбининг тирик ва равшанлиги калб тузалишининг аслидир».

«Аввал ўлик (*кофир*) бўлган, сўнгра Биз уни (*динга хидоят килиш билан*) тирилтириб, унга нур (*иймон*) ато этганимиз, (*у*) ана шу (*иймон нури сабаби*) билан одамлар орасида юрган, бир киши, зулматларда (*колиб*), ундан чика олмайдиган кимсага ўхшайдими?!».

Саҳих дуолардан бирида: «*Қуръонни калбимиз бахори ва нури килгин*», дейилган.